

## 234. Peb Suav Dlawg Yuav Tsum Muab Lub Sab Qub

1. Peb suav dlawg yuav tsum muab lub sab qub  
Kws nyam txuj kev txhum dlaws kag pov nrug  
Lub xyoo laug dlhau moog  
Txhaj yuav tau txais Vaajtswv txuj koob moov  
Vaajtswv foom pub rua peb lub xyoo tshab  
  
Txuj koob moov kws lug ntawm peb tug Tswv  
Yog txuj zoo tshaaj plawg  
Yog leej twg txais lawm yuav tsum khaws  
Tsi xob muab tso tseg
2. Lub xyoo tshab tawm tuaj peb yuav tsum ua  
Dlua tug tuab neeg tshab kws muaj pluaj sab  
Dlawb paug huv quas si  
Muab txuj sa hab cev nqaj tug ntsuj plig  
Coj moog pub rua leej txiv Vaajtswv ntuj
3. Peb thov Vaajtswv foom Nwg txuj koob moov  
Pub rua peb suav dlawg quas puj quas yawg  
Cov laug hab cov hluas  
Tsi has tug kws muaj nyaj los tug pluag  
Los ntsoj tsuag kuas tau koob moov nplua mag